



郭先生文集

五編

服部文庫  
イ 17  
2019  
8



117  
2019  
8



南郭先生文集二編卷之五

平安

服元喬子遷著

東都

源君嶽

輯校

五言絕句

西京五絕和了願師

周國已禾黍漢京芳草生東方千萬古只有平安城

右平安城

叡嶽祈年宮皇州鎮北東東門日華外咫尺五雲通

右比叡山

117 028 (8)

名山不可上，禹穴今如何。雲根君勿動，觸時風雨多。

右愛宕山

西野遡洄，望峽間雲氣開。急流千里，色知自月中來。

右桂水

記得少年，春煙華綠鴨。濱縱有西歸夢，難照白頭人。

右鴨水

閑步二首

大道夕陽滿，西雲日下開。忽忽驛使入，定是長安來。  
西北誰家樓，亭亭下臨道。回看笑語高，應笑白頭老。

增上寺

漢陵雲樹合，蕭寺露盤懸。塔下三千社，區區植白蓮。

愛宕

西嶽古神祠，不知何歲移。應是巨靈力，僊掌欲裂時。

雪中作

茅簷白雪華，擁兒對爐燼。少女頗能言，渾似阿爺鬢。

題三閭象

楓樹寒湘水，斯心日月開。猶看憔悴色，莫是招魂來。

簡津宗榮乞梅花水二首

西海梅花水知君鄉國香不關勞驛使還望寄來長  
梅花千樹雪筩貯一壺春縱比金莖露幸分消渴人

古別離

知君平昔心未識他鄉道漫言有前期月半必歸到

江南曲

江南舟楫足江上自裴回人乘早潮去暮潮為誰來

楊柳枝得鶯字

長門宮裡柳總是為流鶯不惜試攀折來春看復生

艷詞

隣家桃李花枝枝傍籬隙縱是終無言憐君不相隔

墨水詞八首寄島歸德

楊柳橋邊柳下繫編魚舟但憐潮汐速不關離別愁

右楊柳橋

西岸武陵花東岸總州色春風相送吹渾見船如織

右御廐渡

花川開繡戶雙燕自相求二八浣紗女偏能下岸流

右花川戶

歡喜龍山廟花間嬌鳥鳴影梁插紙馬中有莫愁名

右金龍山

大堤春水滿相映送春衣日暮逢公子不知何處歸

右日本堤

阿兒何處去柳絮古江濱猶自春風起年年飛著人

右梅兒冢

停棹春遊子江堤處處尋牛頭聽磬入別有落花深

右牛頭山

此處王孫遊煙波落日浮自看洲鳥白京國至今愁

右在五祠

子夜歌

門外雙琪樹烏兒八九歸自從歡不見生長日翻飛

題雪景圖為參州淵龍秀公

半途風雪霽峽月正相窺總是前溪色幽人歸不遲

題畫二首

山頭懸日色江上渡秋風欲問通津處煙波人影空

江湖何處去渺渺一帆飛知是相望客送人猶未歸

逍遙館春讌得雪字

花底風不寒樽前春自別但解相和歌時時飛作雪

採蓮圖

歸舟貪採蓮，不厭香衫濕。只為人看稀，潮來去轉急。

將進酒

一杯應易頌，猶是故人情。不見風塵色，何曾醉裡生。

霞關席上有瓶梅因賦得來字

勸酒瓶中梅一枝，復一杯。杯中春不少，何待江南來。

題赤羽橋

烏石青蘿館六詠之一

附鳳繁華子，朝天赤羽邊。誰知橋下窟，別自有龍淵。

過酒家

壚上垂楊裡，春風媚少年。何妨杖頭物，醉卧玉鞍前。

夏日題松前氏莊五首

雙立松千丈，凌雲宿露懸。裴回待人仰，故落自中天。  
不必分隣落，階前丘壑通。更忘賓與主，對酌坐山中。  
散行蔭林木，空翠冷衣裳。復遇聽禽處，提壺就石牀。  
返照收餘靄，前山夏木平。不知幽寺近，始聽暮鐘聲。  
苔徑雨痕過，松林月色高。此中無限趣，應是為吾曹。

宮怨得春字

例賜君王宴，六宮同是春。更聞深苑裡，自有賞花新。

又得愁字

處處漢宮色，緣人作箇愁。可憐金屋月，復照玉階秋。  
七言絕句

明妃曲二首

一別宮中尚未真，龍鍾馬上度河濱。忽看白草原頭色，始識身非漢地人。  
一夜天山獵火寒，單于更自入雲端。偶憐獨宿穹廬夢，強作長安宮裡看。

送源京國歸參州

綿綿道路幾時休，日見芙蓉海上浮。唯有削成天際色，連山盡處是參州。

西臺侯南莊得長字

野色林煙帶夕陽，山中宰相自輝光。五松館外松千樹，都聽清風滿苑長。

同子和乞酒於川谷侯戲寄源京國促之

酒泉太守玉壺香，開宴春醪日滿堂。君侍還思判一飲，不難千里致高陽。

寄了願律師于西京二首

關山西望紫霄分，萬里長安日下雲。天上雨花春欲  
遍，知君行處已紛紛。

遊子悽悽每憶家，園林何處對煙霞。白金臺上春風  
夢，散作長安客裡花。

過羽處士江亭

江亭四月晝陰陰，繫纜相求綠樹林。花盡桃源踪跡  
絕，柴門轉閉主人心。

奉和森山世子聞徂來先生及諸子泛舟簡  
諸君之作

桂楫高歌玉樹秋，金龍山下水南流。正傳今夕鳳臺  
曲，苦憶他時青翰舟。

送安養湛公還薩州二首

薩國歸帆萬里舟，天涯欲盡蜻蜒洲。試看南海大珠  
色，偶似東方明月秋。

九州南畔五雲間，金策遙驅海若還。到日高眠安養  
刹，長持梵偈鎮江山。

五月四日玄僊翁五十初度作此為壽

壽筵先發酒杯紅，今日榴花醉晚風。聞說神僊能不



老金丹懸在五絲中

相中覽古四首

古城蹊路暗，三春落盡桃花溪。水濱山犬相迎村酒熟，時時似待武陵人。

處處龍宮繞，鶴陵菩提樹下夜光燈。歌臺百尺今何地，試入山門問老僧。

鳥合原頭黃鳥飛，荒山春老草初肥。穆公一去秦良盡，無限丘墳知者稀。

靈山之北傍黃昏，古道蕭條舊血痕。漁火只餘星几

色，江天夜夜照荒村。

秋夜別友人得安字

送客三更杯酒寒，祇言別後各平安。今宵遙指關山月，明日天涯馬上看。

又得邊字

秋風明月對離筵，鐘漏沈沈到酒邊。無那匆匆今夕別，難同獨宿夜如年。

遊僊曲得臺字

秦城百尺紫煙闌，何處僊人駕鳳來。玉戶雲霄夜不

鎖笙歌長自在樓臺

關山月得霜字

漠南秋入漢營霜繞上高樓總斷腸橫笛黃昏吹不盡已教關月滿沙場

同前得吹字

烽火城頭欲夜時笛聲遙送別離悲不知何處沙場客隨意關山月裡吹

同諸子送良真師之京得山字

道君西指五天間王舍城中探勝還縱是雲游心不

住預知多印在名山

冬日鈴大夫席上聞樂

置酒高堂絃管清聽時未覺數杯頌朔風莫是吹為雪青海頻波槶鼓聲

酬義海上人見寄三首

海方明月照迷途忽見投來懸座隅自是君家衣裡色人間何問夜光珠

來詩云掌中白璧如明月何得投來照草廬

蓬蒿三徑病來深時撫無絃牀上琴薩陸還應觀世遍未知斯調合何音

來詩云誰似朱絃楚調高又云不妨偃蹇在蓬蒿

東路常陽近，自連出山何日。此周旋關中，非望青牛，  
渡天際，爭教紫氣懸。來詩云：接天紫氣滿邊關。

聞箏曲

促柱繁絃次第生，朱簾繡戶響銀箏。樓前人，有解天  
樂道是先朝宮裡聲。

烏夜啼

閑庭一夜烏啼時，少婦空牀有所思。月色如霜簾外  
樹聲聲，近在第三枝。

客歲源京國東遊，未幾作別。忽復逢春賦，此

寄憶五首

去年分手太匆匆，今歲回頭路自長。寄道還應開縱  
飲，勸君猶擬別離觴。  
會時憂別別時悲，果爾離羣彼一時。唯是池中鯉魚  
足，那能不數寄相思。  
杜若洲頭旅服歌，三河春色近如何。知君暫作王孫  
態，早已歸鄉萋草多。  
蕭條白髮歲年流，今日論心不可求。剪燭西窗君記  
否，慙慙一夜說千秋。

登高賦筆散煙花，城裡風光天一涯。日出春齊碧海，  
郡彩雲先已入君家。

漢宮詞五首

三十六宮五雲長，各分供張待君王。上林到處花如  
雪，太液回來水自香。

金闕遙臨西極開，御樓方待貳師回。由來欲得真龍  
種，果爾驍騰天馬來。

漢皇無事事，詞章自得長。卿益飛揚近，更裁成雲五  
色詔書故賜淮南王。

自是君王在九重，內閣偏繫六飛龍。晚來密詔期門  
士，未識今宵何處從。

僊仗外移猶未回，六宮無鎖玉樓臺。忽傳誰氏平陽  
伎，今夜新同御輦來。

秋宮怨

監宮歸鎖謝阿婆，不厭秋光透素羅。猶得相攜女伴  
見，月中宵冷弔嫦娥。

梅花落送人

匹馬春風萬里情，梅花落盡出江城。誰家笛解斯時

恨吹送行人離別聲

少年行

陌上金鞍意氣生，從他各自枉為情。  
翩翩不繫紫騮馬，直向柳花深處行。

隣花

客舍蕭然春意稀，開庭未擬栽芳菲。  
東風不隔東家樹，吹起紛紛落我衣。

子含見覓壽其太翁六十

七老曾歌石鏡山，那知今日照紅顏。  
遙思猶有蓬萊

似神女洲頭採藥還

東山看花得間字

東海天台北郭，山山頭春色彩雲間。  
劉郎今又尋花去，處處芳菲僊子顏。

又得飛字

東叡山上陽春衣，東叡山下背花歸。  
回看終日酣歌處，風起晚來為雪飛。

春遊曲三首

李花桃花杜曲濱，二月三月不勝春。  
胡姬相照連璫

坐妬殺隣家能醉人

陌上春風映酒旗，路傍春草綠如絲。碧蹄躑躅王孫馬，踏遍萋萋總不知。

絲管紛紛白日移，樓頭知是羽林兒。驕驄繫在垂楊樹，認得長楊從幸時。

春夜宿田子舒逍遙亭待月

林亭夜坐愛庭陰，暗送花香春自深。猶是君家泉石色，月來應照薜蘿心。

送邦三桂歸省筑前二首

行程萬里子規啼，歸去鄉園自不迷。我恨相思總難寄，天涯落日大荒西。

樓船共拂海煙歸，多少征帆如鳥飛。更遇主恩裁畫錦，到家堪作老萊衣。

漢宮四時怨

君王日幸上林春，此處禽聲空自新。試下耕樓移步見，宮牆花落更無人。

春

閑庭熒照暑炎空，玉樹蒼蒼長信宮。自愛麻衣如雪色，不須紈扇引秋風。

夏

長門秋色夜如年，臥見中天明月懸。明月似知玉階怨，照來形影更相憐。秋

重衾猶自繡鴛鴦，夜覺深宮瓦上霜。驚破夢邊合歡殿，分明不使在君傍。冬

姬人怨服散二首

飛來青鳥百花間，桃李陰陰白日閒。搗藥洞房春欲半，任他夫婿獨紅顏。

爲君裁作白霓裳，閨裡瓊簫寒鳳凰。縱是上天無限好，人間不敢問僊郎。

送功子含歸江中得寒字

君歸且愛大江濶，盛夏江樓杯酒寒。醉把此詩儻相憶，湖山月出向東看。

又得青字

湖邊何處數峰青，一片君山似洞庭。到日白雲明月裡，題詩隨意弔湘靈。

閨怨二首

去歲秋風九月衣，那知還送到金微。只今更有北歸雁，不管傳書自在飛。

聞說燕山雪似花，青樓遲日復西斜。邊關難信無春色，不爾何由不憶家。

吳宮詞

姑蘇臺下采蓮秋，宮女如花滿泛舟。月色似憐長夜宴，青龍到處逐君流。

土子長還鄉乞詩賦示

東都城上五雲飛，隨意能攜錦繡歸。唯是文通餘數尺，那堪裁作故鄉衣。

訪隱者不遇

空山一路白雲重，偏鎖柴門對數峰。無那興來還自去，裴回留影落青松。

小集莊子謙病不至，贈酒及詩簡座上諸子。因和却寄。

知君伏枕長卿才，忽贈芳樽對客開。更爲病來仍作賦，還疑酒自當壚來。

遊雲洞師居答見示

祇林春樹夕陽閒，歸路何憂咫尺間。老去許詢無勝具，時時賴得到廬山。



同遊芙蓉軒前夜雨萬公恐期不至有作因  
和奉謝

蕭蕭昨雨夢魂回空憶潮音鳴梵臺豈意故添林下  
色山花今日近人開

今朝未霽萬公重有作見寄因就和呈

山門春色雨初收依舊晴煙落碧流不是君家掣龍  
手那能得倚海天樓

遊翼之宅晚值雨不許即歸戀戀復飲因賦  
同用聲字

總知投轄主人情且聽花亭風雨聲向晚何辭開口  
笑明朝未必醉春城

舟行過葛西陂二首

葛陂雲水映依稀駕杖僊人去不歸唯有舟中斬蛟  
劍時時更欲逐龍飛

朝上長江萬里流葛陂無盡任輕舟出郊未遠回頭  
望早已浮雲多客愁

送大淳師歸信中奔喪二首

天邊日井上西關回首東方世界間無限白雲分不

百集集二編 卷之五 十一  
盡秋風先入信中山

白雲深處是君家，片片遙飛天上花。  
更發囊中明月色，猶堪收淚奉摩耶。

竹枝詞二首

莫道舟行離別難，逢君復得問平安。  
往來無恙竹枝曲，且上春流十二灘。  
酒樓斜倚大江隈，雨散雲行春水回。  
多少北人謾相問，不知斯處是陽臺。

擣衣曲

金閨玉杵朔風生，且聽沙場胡未平。  
夜夜心懸明月色，慙慙好到受降城。

送騰鵠師得珠字

小山歸到歲茲徂，閑裝應看明月孤。  
試望漫天大堰水，寒光爭出降龍珠。

長州本覺賈公見，惠書詩及赤間硯。  
作此奉答，且以代簡。

塔裡封書送雁鴻，新詩并照彩雲中。  
更驚如意神通力，驅石還能到海東。

送首藤子高

海門中斷九州間，溟色秋開赤馬關。知是乘鯨萬餘里，長風拂盡待君還。

送瀧彌八遊西京

北斗闌干劍氣寒，衝天直是入長安。何須江海除豪氣，試上樓臺百尺看。

保子國還湖中率題扇面為贈

臨別贈君詩未工，題來白扇起微風。離情直是將明月，吹送琵琶湖水東。

寄賀僊臺佐容翁八十壽二首

濁酒人間不可酬，懸知開宴紫霞流。杯中別有滄洲趣，長醉僊臺十二樓。

紫府樓臺日月遲，羣僊坐蔭扶桑枝。不須謾羨金莖露，海上朝霞無盡時。

答彌八聞子和訃見寄二首

溪邊日夜露為霜，流水難停空斷腸。自秋風凋玉樹，兼葑何忍獨蒼蒼。

朱絃不許謾相知，和罷由來此調悲。只將白雪餘雙

百集二編 卷之五 十八  
鬢<sub>二</sub>張<sub>一</sub>望<sub>二</sub>高山<sub>一</sub>彼<sub>二</sub>一時<sub>一</sub>

梅花落

萬里長安春夢生，梅花底事落邊城。  
海風吹起沙場雪，依舊傷心羌笛聲。

鷄鳴二首

鷄鳴車馬起，紅塵垂柳啼鶯思。  
殺人日出糝臺三婦，豔府中何處不憐春。

鷄鳴光動玉欄干，少婦輕裳畏曉寒。  
昨夜新開桃李樹，爲貪春色捲簾看。

清光院賞花遇新晴得回字

祇樹玲瓏春霧開，相攜更上雨花臺。  
梵宮日映紫雲起，晴院風芳白雪回。

謝瑞善院主見示

溪上風花醉殺人，謝君能設玉壺春。  
飲來不減醍醐味，却笑常憐漉酒巾。

春思

高樓日永酒初醒，水送斜陽滿晚汀。  
江上人歸春不管，長堤揚柳自青青。

送莊子謙二首

從駕驂馳碧玉蹄東關踏遍草萋萋錦帆更信樓船  
穩直到長風萬里西

豐城五月子規稀芳歇鄉園方自歸應憶離亭花未  
盡春風細送客衣飛

小集長州首藤子高再遊至喜賦

去歲春風折柳分今年交影亂紛紛請看無恙門前  
樹重繫驂馳留與君

踏歌詞

江月江花一樣新嬌歌夜夜大堤濱竹枝桃葉江南  
遠何似君家江北春

神門雨集聞雁

城頭寒雨醉高臺聽雁還添勸客杯勿怪聲聲都不  
怨承恩近自上林來

聞曉角

海風吹月凜餘輝飲馬長城曉未歸一夜角聲聽不  
斷關榆塞草作霜飛

寒夜聞雁

春遲北去隔年回，雪滿南來傍月開。來去只驚孤客夢，寒霄夜夜過高臺。

楚宮詞

十二峯峯暮色通，襄王行樂有無中。至今神女啼耕雨，却自時來繞楚宮。

同賦陌上美人得一先

香車輾過落花前，繡箔雲鬟捲翠煙。陌上少年枉停車，不知春色在誰邊。

相逢行

大道青樓弱柳垂，繁華驚殺路傍兒。相逢左顧相迎入宅裡，歌鐘欲起時。

暮春登山

桃李紛紛流水來，空山行盡傍溪回。不知春色人間去，多少殘花猶自開。

送子高歸長門

繫留難駐逸羣才，千里生風一日回。知是驂騑雲集地，長鳴共待黃金臺。

冢德卿見乞其太翁壽詩賦贈

金漿爲受主恩還紫府開筵醉駐顏自是仙才綠玉  
斧兼知許史在人間

驪山探春歸到田有道居示有道兄弟

驪山三月醉都人恨殺猶憐世上春何似君家雙玉  
樹風花片片勸杯新

楊柳枝詞送市川子哲

常鎖門前楊柳枝離情纔是欲攀時青青風色君看  
取繫得斜陽隨意吹

送淵龍秀公還參州

寺在鳳  
來山下

鳳來山上彩雲間下有淵龍眠自閒好去天邊迎錫  
處都連五色滿東關

九日莊子謙見贈酒及詩率答

籬下蕭條送酒來無須漉過且銜杯緣君添得陶家  
色轉愛黃花無數開

賦冬月圓得九佳

長信月寒圓玉階轉如霜雪滿天涯不知何處承恩  
幸偏入鴛鴦夢裡懷

嘗欣信中諸禪多文才藏海師來見乃披其

詩亦既具體因題其稿以贈行云

高僧遁跡信中山大嶽崢嶸不易攀唯有彩雲裁五色散為天錦滿人間

雲夢席上看花有感得時字

時伯子長庚新沒

玉樹東風日夜吹階庭忽顧半無枝春光不用苦相恨猶是新花欲發時

聞容翁訃寄慰源子敬

五城樓上白雲飛一夕乘風去不歸想得唾珠光未減猶和血淚灑君衣

初夏集西福上人房得重字

梵王孤殿倚青松且愛深林紫翠重長夏鳥啼人不見始疑身在白雲峰

奉和猗蘭侯席上見贈作二首

北闕青雲日日新西山白雪自無塵他時更望芙蓉色元屬蓮花府裡人

坐忘亭上醉相酬不羨君卿遊五侯玉樹銀臺明月夜清風只在闕西頭

瑤池曲



玲瓏珠樹對瑤池，雪裡花開無落時。  
黃竹白雲歌未竟，始知人世別離悲。

當壚曲

紅粉當壚柳色分，驂騑欲繫亂紛紛。  
不知何處青樓上，復倚春風醉殺君。

冬日青蘿館飲西仲英載酒

蘿亭高枕對寒煙，不怪吾曹懶草玄。  
但解載來樽酒美，時時臥飲座邊眠。

南郭先生文集二編卷之五

